

Jacobi Alvarez de Paz Opera

De Exterminatione Mali, Et Promotioне boni - Libri quinque

Álvarez de Paz, Jacobo

Lvgdvni, 1613

De postrema parte particularis examinis, nimirum de collatione. Cap. 12.

[urn:nbn:de:hbz:466:1-77843](https://nbn-resolving.de/urn:nbn:de:hbz:466:1-77843)

*De Postremā parte particularis examinis,
nimurum de Collatione.*

CAPUT XII.

DO S T R E M A M Partem huius particularis examinis, Collationem nominamus; diximusq; eam in hoc consilere, ut quis defectus in secunda sui discussione repertos cum defectibus primæ discussionis conferat, & culpas vnius diei, culpis diei præcedentis comparat, & vnam hebdomadam respectu alterius, qua præcessit, inspicat, ut an emendetur, & spiritu proficiat; an non emendatur, & sic deficit, (quia non progrexi in via spiritus, regredi est,) planè cognoscat. Hæc collatio non est nouum inuentum: nam illam expressis verbis docet Bernardus in speculo monachorum, sic scribens:

Comparanda est dies instans dicit præterita, ut ex eorum collatione sumum deprehendere possit monachus vel profectum vel defectum. Et alio loco ait: Integritatis tuae curiosus explorator vitam tuam in quotidiana discussione examina. Attende diligenter quantum proficias, vel quantum deficias, qualis sis in moribus, & qualis in affectibus, quam similis sis Deo, Redemptori & Salvatori nostro, vel quam dissimilis, quam propè, vel quam longè, non locorum interuersallis, sed morum affectibus. Eandem præscribit Dorotheus in hunc modum: Discat vnuquisque vbi sit, aut in quo libro scriptus. Debemus enim non solum nos per dies singulos discutere, sed per qualibet tempora, per menses, per hebdomadas: ac nobis ipsis dicere: Prima hebdomada huiuscmodi passione affectus es; nunc quomodo haber? Item per tempus quodque anno transfactus es, & superatus ab hac passione, nunc quomodo habes? Et ita per qualibet diligenter inspicere, si quid à nobis abscondimus ex illis, an in eisdem volumur, vel in deteriora delapsi sumus. Basilius tandem eiusdem collationis non est oblitus: sic enim ait: Quæ singulis diebus feceris opera, ea velperi tecum ipse commora, & cum iis quæ feceris pridie, conferro, studioseque operam dato, ut melior in dies magis ac magis exitas. Hæc illi.

Multiplex autem est huius collationis utilitas. Una est illa, quam dixit Dorotheus, ut cognoscat homo, vbi sit, & in quo libro sit scriptus. Nam si haec hebdomada nihil omnino proficit, & cùdēm culparum numerum in illo vitio, quod emendare vult, atque in hebdomada præcedenti commisit, scriptus erit in libro tépidorum, qui tota die ociosi manent, & nihil omnino in sua anima yinea laborant, cùm tamē sint ad laborandum conducti. Horum increpatio continetur illis verbis Ieremiæ: Fertili est Moab ab adolescentia sua, & requieuit in fructibus suis: nec transfusus est de vase in vas, & in transmigrationem non abiit, iccirco permanit gustus eius in eo, & odor eius non est immutatus. J] Moab interpretatur de patre, & signat illum, qui imitatur primum parentem carnis sua: & sicut iste præceptum a Domino ei impositum; ita & ipse promisum, aut propositorum Domini gratia factum transgreditur. Hic fertili est, id est, diues ab adolescentia sua, quia ipso tempore menuis & legnitie spiritus, qua laborare, & aliquid lucrat non curat, videtur de scipio sentire, quod illi Episcopus Laodiceæ, cuius hæc erat vox: Diues sum, & locupletatus, & nullius egeo. J] Huius manifestū indicium est, quia requiecit in imperfectionibus suis. Nam si se non diuitiem meritorum putaret, sed pauperem, & egenum,

A atque imperfectum aduerteret, niteretur utique penitiam virtutum per imperfectionum abiectionem deponere. Semper hæc in eodem luto, & à misera imperfectionum seruitute ad aliquā suorum morum non trahit emendationem. Quare sicut mustū, quod non transfunditur de vase in vas, eundem semper gustum & odorem tenet: ita & tepido, vitam & conuersationem non mutati in melius, eadē culpæ & imperfectiones adhærent. Si autem scipio examinās, & vnum tempus cum alio cōferens, in sequenti die, verbi gratia, vel in sequenti hebdomada, non iam eundem numerum culparum atque in precedenti, sed maiorem inueniat, erit scriptus in libro stultorum, & suam substantiam dilapidantium: nam cùm aliquid proficisci, aut saltem quod iam habebat seruasse debuerit, nec proficit, nec fletur, sed in peius est lapsus, & infeliciter factus est seipso deterior. Et erit ex illis, quibus in Apocalypsi dictum est: Qui nocet, noceat adhuc: & qui in fôrdibus est, fordescat adhuc.] Quis enim ambigat, illū qui quotidie magis deficit, & plus delinquit in inferno sibi maiori nocumeto, atque in fôrdibus aggregandis persistere? Terribilis est autem ista Domini communio, vt sicut ludumagistri solent dicere pueris confabulantibus aut ociose sedentibus: Nolite legere, nolite scribere, vt ipius flagellum timentes legant, & scribant: ita Dominus tormentibus dicit, quemadmodum meditatus est Ambrosius: Qui nocet, noceat adhuc, & qui in fôrdibus est, fordescat adhuc: Qui ecce venio citio, & merces mea mecum est reddere vnicuique secundum opera sua.

C Nam sicut in me ipso habeo, quo iustos satie, & beatos faciam, ita alterius manu non indigo, vt amplius nocentes, & sordentes condignis poenis afficiam. At si iustus hanc collationem sua vita faciens, se emendatum videat, & aut omnino non cecidisse, aut minus cecidisse reperiat, scriptus erit in libro tendentium in calum, quia eo magis ad vitam accedit, quo magis à culpa & à morte discedit. Tunc annumerabit exercitus Domini, qui post longam captiuitatem, [eadē die,] quæ dies est feruoris & gratiae, [egressus est de terra Ægypti.] Mores enim emendare, & aliquid perfectionis cōsequi, quasi ex Ægypto egredi est, & a pluribus culpis ad pauciores tranire, est in virtute proficere. Nam profectus noster in hoc consistit, inquit Bernardus, ut nunquam arbitremur nos apprehendisse, sed semper extendamur ad anteriores, incessanter conemur in melius, ut imperfectionum nostrum ditina misericordia obrutibus iungiter exponamus.]

E Altera est utilitas, si fortè altera dici potest, illa, quam tetigit superiori loco idem Bernardus, quia ex hac collatione vnius diei cum alio, vel vnius longioris temporis cum alio, iustus vir suum profectum aut defectum intelligit. Augmentum enim animæ, sine spiritualis eius profectus, licet in scipio inuisibilis sit, licet & ipsa anima; tamen ex affectibus potest agnosciri. Et hec boni & mali ex operibus cognoscuntur, iuxta illud: A fructibus eorum cognoscetis eos; ita ex eisdem operibus, bonitas aut nequitas intus latens deprehenditur. Eadem autem est via profectus interni ac defectus agnoscendi, ut ille dicatur proficere, qui sollicitius culpas, & negligencias vitatis velò defecere, qui tepidius & negligenter se per aliquam culpam deformat. Arque adeo, qui facta duarum dierum, aut hebdomadarum collatione, minus in sequenti tempore in illud vitium, quod impugnat, lapsus est, aut sollicitius in virtutem, quam sectatur, incubuit, absque dubio proficit: qui velò turpius aut frequenter in vitium impegit, aut tardius vel negligentius virtuti studuit, sine villa excusatione

*Apoc. 22.
11.*

*Amb. ibi.
Ibid. n.
12.*

*Exod. 12.
41.*

*Bern. for.
3. de Pu-
rificat.*

desecit. Et similiter qui in eodem statu se inuenit, torpentibus ac deficientibus est annumerandus; quia non dissimulandus defectus est, quo tempore quis ambulare in via spiritus debuisset, nec unum passum ambulasse.

Ea hac autem cognitione triplicem anima elicet affectum sanè virilissimum. Velen enim ex collatione duorum temporum intelligit se defecisse, aut parum aliquid profecisse, aut plusquam mediocriter ambulasse. Si defecit, triflatus, & triflatus ad salutem, ea triflita, quæ secundum Deum est. Luger, & queritur, quia tempus ad salutem animæ sibi concessum turpiter & imprudenter amisit. Luger, quia viator cum sit, nihil via sibi ambulandum confecit: luger, quia ne cogatur per mortem celsare, prius quam virtutem acquirat, pertimescit. Seipsum ad proficiendum virget illa admirabilis exhortatione Ambrosij, qui sic ait: In via es, o homo, ambula, ut peruenias; ne & nox in via te occupet, ne consumatur dies vita, antequam progressum virtutis acceleres. Viator es vite huius, omnia transeunt, omnia post te fiunt. Omnia in hac vita cernis, & traxis. Vidisti amoenitatem arborum, viriditatem herbarum, puritatem fontium, & quodcumque huiusmodi, quo delectantur oculi. Iuuit spectare, delectauit parumper attendere. Dum attendis, pertransisti. Iterum dum ambulas, incidi scopolosum & confragosum iter, concava rupium, prærupta montium, densa sylvarum. Tædiasit parum, iterum transisti. Talis hæc vita est, cuius nec prospera permanent, nec aduersa diuturna sunt. Ergo quasi in via locatum, neque secunda extollant, neque aduersa frangant, nec plausibilis remontent, nec mœsta detincent. Festina semper ad finem, festina ut peruenias.] Si autem se examinans profecit, sed parum profecit, seipsum increpat, & reprehendit, quia tam lentis passibus nunquam ad finem virtutis aliquius peruenier. Audit iustus quasi Angelum Domini, sanctam inspirationem dicentem sibi: Surge, & comedere, grandis enim tibi restat via.] Surge, inquam, per assumptionem noui ferooris, comedere, & nouis considerationibus ac feruentibus desideris, quia nouis cibis, teipsum ad velocius ambulandum corroborata, quoniam tanta lentitudine ambulans, in via spiritus, qua satis longa est: parum aut ferè nihil procedes. Si tandem ex collatione diuersorum temporum quis deprehendat se non mediocrem progressum fecisse, Deum sibi adesse adiuvatorem intelligit, illi pro accepto tanta emendationis beneficio gratias agit, & seipsum ad maiorem profectum acquirendum accedit. Experitur sanè viam perfectionis non esse difficultem, quia si tam paucis diebus tantam in se mutationem aduertit, tantum se vicit, quid, si perfueret, nisi magnos in virtute ac omni putitate progressus speret? Ita quidem apud se cogitat: At nunc non vident lucem: subito aët cogerti in nubes, & ventus transiens fugabit eas. Ab Aquiloni aurum venit, & ad Deum formidolosa laudatio.] Id est; Paulo ante in caligine & obscuritate verbabar, cum huius imperfectionis nubes me opprimebat, in tantum ut serenitatem mentis pene accipere desperarem. Nunc autem spiritu diuino afflante, nubes ita brevi tempore disiecta est, & ab Aquilone, nempe à mortificatione frigore, quo me ipsum compressti, subito instar auri splendens serenitas venit; & tam insperata tranquillitas mentem meam laetificauit. Quid fieri, si in feroore & emendationis cura perfisto, nisi quod brevi tempore portum concupitæ virtutis ingrediar? Tunc non sine ingenti

*Ambr. in
Psal. 1.
versu. 1.*

*3. Reg. 19.
7.*

*Iob. 37.
21.22.*

A reuerentia & tremore, Deo laudes concinam, qui tam mirabilia in me operatus est, & de eo in dies sublimiora dona confidam. Benedictio quidem Domini in merecedem iusti felicitat, & in hora veloci processus illius fructificat.] Quod si me ipsum ad capellandam virtutem anima quero, non tardabit Deus quam celeriter eam ad mentem demittere, & me, qua cupio, possessione ditare.

Ecc. 11. 24.

Ecce ergo plurimas huius collationis utilitates. Prima, quod illius praesidio qualis apud Dominum sis, non inepte coniectas. Secunda, quod tuæ mentis statum agnoscas. Tertia, quod si non proficias, triflatus ad salutem, & erubescis. Quarta, quod si parum proficias, temetipsum reprehendis. Quinta, quod si non mediocrem in te emendationem adueras, ea fiducia, quæ Deo submittitur, de perfectionis adceptione confidis. Ut verò haec omnes utilitates suum complementum habeant, duo tibi facienda sunt. Alterum est, ut si ex vsu huius præstantissimi instrumenti profectum non sentias, huius rei caulas initiaque disquisiras: patri spirituali teipsum aperias, rationem procedendi cum eo conferas, caulas à te repertas huius tepiditatis edicas, ac ordinem ab illo præscriptum inuolabiliter teneas. Sæpe enim fructus huius exercitij differtur, ut homo se humiliet, & quod per seipsum non adipiscitur, directione alterius hominis, nempe magistri spiritualis, acquirat. Principium disciplinae humilitatis est, inquit Hugo; & nihil addiscit inflata superbia, qua quis vult sine alterius hominis adiutorio ad virtutis fastigium euolare. Qui altam facit domum suam, querit ruinam, & qui euitat discere, incidet in mala.] Non omnes, qui altas adificant domos, ruinam querunt, sed illi, qui sine firmo fundamento, & sine debita coniunctione lapidum, magnam molem conantur extruere. Sic qui sine humilitate, qua se magistro spirituali docenti subiiciunt, volunt altissimam perfectionem adipisci, solent non minimos casus experiri. Alterum documentum est, ut si ex predicto vsu particularis examinis, iuxta desiderium tuum, magnum percipias fructum, caulas etiam huius profectus aduersas, & rationem, qui processisti, consideres, ut in posterum candem obserues. Nam eadem causa eodem parturunt effectus, & si hodie hunc modum viuendi tenens, aliquid boni lucrat us es, ab eo cras non discedens, simile quid sine dubio lucraberis. Hæc autem est magna prudentia pars, quia homo ex præteritis futura estimat, & ex bonis, que iam quasi manu retigit, ad alia similia acquirendæ se munit.

Hugo. in
lib. 1. di-
discalites
Preu. 27.
16.

De quibus fieri debeat particulare examen.

CAPUT XIII.

MATERIA Circa quam examen particulare versari debeat, ex supra dictis factis perspicua est; quia omne virtutum, omnis defectus, omnis passionis, aut sensuum, aut virium animæ immorificatio, & omnis virtus eius materia est. Diuerso tamen modo hæc in examen cadunt: mala enim examini subduntur, ut euellantr, passiones, & sensus, & vires animæ, ut ab eis, quod virtuosum est, eradicetur: virtutes, ut de nouo acquirantur, aut iam acquisitæ ad debitum perueniant augmentum. Quod ex parte significatum est in illo ministerio dato a Domino, Ieremias: Ecce constitui te hodie super gentes, & super regna, ut euellas, & destruas, & disperdas, &

*Jerem. 1.
10.*

diffipes,